

RESOLUCION 33/2025

Maria Vergés Pérez, síndica deth Conselh Generau d'Aran, en tot hèr usatge des facultats que me conferís er article 29 dera Lei 1/2015, de 5 de hereuèr, deth Regim Especiau d'Aran, Presidenta dera societat mercantila "Pompiers·Emergències SL", e vist qu'er article 20 des estatuts dera societat establissen que corresponen ara Presidència deth Conselh d'Administracion es foncions que "*expressament se li manen*".

Vist qu'en Conselh d'Administracion ordinari dera societat mercantila *Pompiers·Emergències SL*, de 5 de junhsèga de 2025, s'aprovèc era incoacion der expedient de contractacion e era delegacion de competències ara presidenta dera societat, entara aprobacion der expedient de contractacion, aprobacion des Plecs de Clàusules Administratives e Prescripcions techniques, era aprobacion dera despena e era publicacion der anonci de licitacion.

Vista era prepausa deth subministrament deth Major de Pompiers·Emergències SL, ena quau se da compde deth besonh de realizar eth contracte de subministrament pes motius que s'i especifiquen.

Vista era provision de Presidència ena quau se demane informe per part dera Secretaria e dera Gerència.

Vist er informe de Secretaria e dera Gerència.

Visti es Plecs de clausules administratives particulars e es plecs de prescripcions techniques redactadi.

Cossent damb çò que dispausen es articles 16, 25, 28, 116, 117, 122, 131 e 156 dera Lei 9/2017, de 8 de noveme, de Contractes deth Sector Public,

E RESOLVUT:

Prumèr.- Aprovar iniciaument es Plecs de clausules administratives particulars e es plecs de prescripcions techniques qu'an de regir era contractacion deth subministrament d'"*un veïcul autoescala*" plecs que s'adjunhen coma annèxes en expedient e que demoraràn a disposicion des persones fisiques e/o juridiques interessades, atau coma era despena corresponenta ad aguesta contractacion per un pressupòst totau d'un million cent trenta mil euros (1.130.000,00 €), IVA inclodit, damb eth desglossament següent:

- Nau cents trenta tres ueit cents ueitanta quate euros damb vint-e-nau cèntims (933.884,29 €), de base dera contractacion
- Cent noranta sies mil cent quinze euros damb setanta un cèntims (196.115,71 €), en concèpte d'IVA ath 21%

Dusau.- Aprovar er expedient entara contractacion deth subministrament d'"*un veïcul auotesca*", mejançant procediment dubèrt, subjècte a regulazion armonizada, damb tramitacion ordinària, cossent damb çò previst enes arts. 28, 116, 117, 119 e Disposicion addicionau tresau. 2 LCSP.



Tresau.- Dispausar era dubertura deth procediment dubèrt subjècte a regulazion armonizada en tot procedir ara publicacion der anonci de licitacion en perfil deth contractant, e en DOUE en tot daurir eth tèrme de trenta cinc (35) dies naturaus entara presentacion d'aufèrtes a compdar dera data der enviament der anonci de licitacion en DOUE e dera publicacion der anonci en perfil deth contractant, cossent damb çò que dispause er article 156 dera LCSP.

Quatau.- Dar compde d'aguesta Resolucion en prumèr Conselh d'Administracion de Pompièrs·Emergències SL que s'amie a tèrme.

Casau, *signat electronicament*

Maria Vergés Pérez
Sindica